

2

Atlante vetus est opinio, fuisse barum artium
monstratorem, ac locus nominatur in Bœotia, in
quo audisse eum Orion putatur, qui res easdem
tradidit posteris. Sed exempla notiora sunt es-
rum, qui postea Respub. constituerunt. Solon ad-
iutus à Thalete Atheniensibus anni metas con-
stituit, & docuit adjicere Epactas. Postea Ro-
mæ Numa, Iulius, Augustus, magna cura fastos
emendaverunt, ut recenseret & Ovidius in tertio
fastorum:

Sed tamen errabant etiam tunc tempora, donec
Cæsar is in multis hæc quoq; cura fuit,
Non hæc ille Deus tantæq; propaginis autor
Credidit officijs esse minora suis.

Factæ sunt, & Theodosio & Iustiniano auto-
ribus, emendationes, & quam grata memoria
est Alphonsi regis regis, qui pene extinctas has
disciplinas restitui curavit. Talib. te viris annu-
merari non est exigua gloria. De lucubratione
ipsa hoc præfari possum. Etsi ars integræ discen-
da est ex Ptolemæo, & ego sic adsuefieri adole-
sceriam in Arithmetica & Geometria opta-
rim, ut statim proponi Ptolemæus posset, ta-
men video doctos & prudentes viros nonnullos
consilio quasi rivulos quosdam duxisse ex fonti-
bus libellos de circulis, item Theoreticas seu or-
bium picturas, & nomenclaturas, & motu-
rum summas, ut rudia ingenia præpararentur